


**TEZAU LITURGIC**

**7 DECEMBRIE**

**SLUJBA  
SF.MUCENIȚE  
FILOTEEA  
DE LA  
CURTEA DE ARGES**



**MINEIUL SFINȚILOR BULGARI  
ZOGRAFU-ATHOS, 2007**



# Мѣсяца Декѣмврія въ 7-й дѣнь Память преподобныя матере нашея Филоѳеи Тѣрновскія

## НА МАЛЪЙ ВЕЧЕРНИ,

На Господи воззвахъ: **стихиры на 4, гласъ 1.**

**Подобень: Небесныхъ чинѡвъ.**

Небеснаго возлюбльши Жениха доброту,  
неблѣзненную,\* соблазна мужескаго тлю  
презрѣла еси,\* Филоѳее премудрая,\* и дѣвства  
досточестно\* соблюла еси красоту:\* моли  
спастися душамъ нашимъ. **[Дважды.]**

Небесныхъ чинѡвъ обрадовала  
еси,\* дѣвственныхъ возжелѣвши сіяній,\* Филоѳее  
богомудрая,\* и слезными каплями облакъ  
сластей отгнала еси,\* супружника твоего  
богомудреннѣ къ нетлѣнию наставивши:\* моли  
спастися душамъ нашимъ.

Небесное свѣтило\* отчаяннымъ во тмѣ  
прегрѣшеній многихъ,\* дѣвства зарями явилася  
еси,\* Филоѳее святая,\* молимъ тя, якоже  
Константи́на\* твоего обручника,\* и насъ  
мольбами къ Богу теплыми\* къ чистому приведи  
житію.

## Сла́ва, гла́сь 6:

Свѣтоно́сную па́мь пѣ́сньми  
почти́мъ,\* боголюбе́зныя отрокови́цы,\* я́же вся  
мимо́теку́щая преоби́дѣвши,\* я́ко се́рна къ  
го́рнымъ пото́комъ\* житі́я нескве́рнаго притече́.

## И ны́нѣ, богоро́диченъ:

Упра́ви у́мъ мо́й, Влады́чице, тружда́ющійся  
въ пучи́нѣ скорбе́й, и пото́пляемый нашество́емъ  
тлѣ́творныхъ страсте́й, мене́ же спаси́,  
Богоро́дице, къ Тебѣ́ прибѣ́гающаго: ины́я бо  
по́мощи, Чи́стая, развѣ́ Тебе́, не знаю́.

## На стихо́внѣ стихи́ры, гла́сь 2.

### Подобѣ́нь: До́ме Евфра́товъ.

До́мъ многосвѣ́тлый\* дѣ́вственныя красото́й,\* и  
хра́мъ Ду́ха Свята́го\* плоти́ удруче́ніемъ яви́лася  
еси́,\* Фило́ее треблаже́нная.

**Стихъ:** Диве́нь Бо́гъ во святы́хъ  
Свои́хъ,\* Бо́гъ Изра́илевъ.

До́мъ Бо́жій\* па́че селе́ній  
грѣ́шничихъ\* возлю́бльши, Фило́ее,\* въ  
моли́твахъ издѣ́тска пребы́вала еси́,\* тѣ́мъ са́мую  
себе́\* до́мъ Ду́хови Бо́жіе́му,\* сотвори́ла еси́  
досто́инъ.

**Стихъ:** Честна́ предъ Го́сподемъ\* сме́рть  
преподобныхъ Его́.



**Д**о́мъ роди́телей твои́хъ\* ра́дostí испо́лнила еси́,\* ро́ждество́мъ твои́мъ, Фи́лоөөе,\* бо́голю́бное вои́стину жити́е,\* я́ко иму́щая ми́ру показати.

### **Сла́ва, гла́съ 5:**

**И**стинное на небеси́ жити́е па́че привре́меннаго,\* отъ мя́гкихъ ногте́й предызбра́вши, бо́голю́бице,\* цвѣ́тъ дѣ́вства отъ и́нея сласте́й\* невре́дно сохрани́ла еси́,\* и я́ко непоро́ченъ кринь,\* въ нау́трии невече́рняго дне́ возсия́ла еси́,\* росо́ю Ду́ха свѣ́тящися чу́дно.

### **И ны́нѣ, гла́съ то́йже:**

**И**же изъ Твоея́ утробы́ пресу́щественно, Дѣ́во, Воплоти́выйся, ми́ръ богоразу́мیا заре́ю просвѣ́ти, Пречи́стая.

### **Тропа́рь, гла́съ 4:**

**О**тъ ма́тернихъ пеле́нь Бо́га возлю́бивши,\* въ Боже́ственныхъ Писа́ниихъ при́сно поуча́вшись,\* постомъ, слеза́ми, моле́ньми и воздыха́нии непреста́нными,\* хра́мъ Бо́жій яви́лася еси́, Фи́лоөөе достохва́льная,\* тѣмже и па́мять твою́ лю́бовію пра́зднуюющимъ,\* освяще́нія и цѣ́лбы́ неску́дно да́руючи,\* сохра́няй гра́дъ тво́й\* и вся́ лю́ди, вѣ́рно чту́щія тя,\* отъ вся́кихъ бѣ́дъ и напа́стей.

## Сла́ва, и ны́нѣ, [богоро́диченъ]:

**Е**же отъ вѣ́ка утае́нное, и а́нгеломъ несвѣ́домое та́инство: Тобо́ю, Богоро́дице, су́щимъ на земли яви́ся, Бо́гъ въ неслы́тномъ соедине́нии воплоща́емъ, и крѣ́сть во́лею на́съ ра́ди воспри́имъ, и́мже воскреси́въ перво́зданнаго, спасе́ отъ сме́рти ду́ши на́ша.

## НА ВЕЛИЦѢЙ ВЕЧЕРНИ,

**Стихословимъ: Блаже́нъ му́жъ..., 1 антифо́нъ.**

**На Го́споди воззва́хъ: стихи́ры дре́внія на 8, гласъ 8. Подо́бенъ: О, пресла́внаго чудесе́!**

**О,** пресла́внаго чудесе́!\* Ты́, Фи́лоөөе честна́я,\* въ ю́ности тѣ́леснѣй\* неразруше́нъ и соверше́нъ смы́слъ показа́ла еси́.\* Еву́ дре́вле прельсти́вшаго\* и ра́я лиши́вша,\* Божество́нною си́лою низложи́ла еси́,\* си́лою и благода́тію отъ Чи́стыя Богоотрокови́цы Возсия́вшаго\* и ми́ръ спаса́шаго. **[Два́жды.]**

**Б**лагода́тію обогати́вшись исцѣ́леній,\* о Фи́лоөөе честна́я, врачевати́ неду́ги\* и ду́хи лука́выя отгоня́ти, сла́вная,\* свѣ́тозарѣ́ніемъ Бо́жія Ду́ха,\* къ честнѣ́й цѣ́ркви тво́ей притека́юще,\* прикаса́емся ра́цѣ тво́ей, сла́вная,\* радостію́ пѣ́снями почита́емъ\* Христа́ Бо́га на́шего.

Дѣвственное украшеніе,\* по́стникомъ  
удобреніе,\* и преподо́бнымъ вѣнець,\* же́нск[ую]  
похвал[у]\* и вѣрнымъ спасеніе,\* Филоѳею днесъ  
вси\* пѣсенными цвѣты вѣнча́имъ,\* и  
похвалами почтѣмъ\* за ны молящуюся.

**Иныя стихиры, гласъ 4. Подобенъ: Яко добля.**

Яко добрую въ дѣвахъ\* непорочно на земли  
поживши,\* и а́нгельскимъ предстояніемъ въ  
мо́литвахъ Бо́гу угодивши,\* сокровище на  
небесѣхъ нетлѣемое обрѣла еси,\* сокровищемъ  
же ходатайствъ, чудесъ и исцѣленій,\* родъ нашъ  
обога́тила еси,\* и гра́да Тѣрнова покрѡвъ  
явила́ся еси,\* тѣмже о всѣхъ па́мь  
твою\* че́стно пражднующихъ,\* Бо́гу  
мо́ли́ся,\* преподо́бная Филоѳее. **[Дважды.]**

Яко достояніе неотѣмлемое,\* отъ Бо́га земли  
Бо́лгарстѣй дарова́ніе,\* стяжа́хомъ [в]си  
засту́пницу те́плую, Филоѳею  
пречу́дную,\* тѣрновскія люди мо́щами своими  
дре́вле благословившую,\* и ны́нѣ о чту́щихъ ю  
непреста́нно Христу́ моля́щуюся,\* дарова́тися  
прегрѣше́ній оставленію,\* болѣ́зней исцѣленію и  
въ ско́рбехъ утѣше́нію,\* вѣрою  
пра́зднующимъ,\* всечестну́ю па́мь  
ея. **[Дважды.]**

## Сла́ва, гла́сь 6:

Свѣтоно́сную па́мь пѣ́сньми  
почти́мъ,\* боголюбе́зныя отрокови́цы,\* я́же вся  
мимо́теку́щая преоби́дѣвши,\* я́ко се́рна къ  
го́рнымъ пото́комъ\* житі́я нескве́рнаго притече́.

## И ны́нѣ, богоро́диченъ, гла́сь то́йже:

Кто́ Тебѣ́ не ублажи́тъ, Пресвята́я Дѣ́во? Кто́ ли  
не воспое́тъ Твоего́ Пречи́стаго Рожде́ства?  
Безлѣ́тно бо отъ Отца́ возсія́вый Сы́нъ  
Единоро́дный, То́йже отъ Тебе́, Чи́стыя, про́йде,  
неизрече́нно вопло́сся: естество́мъ Бо́гъ Сы́й и  
естество́мъ бы́въ Человѣ́къ на́съ ра́ди; не во  
двою́ лицу́ раздѣ́ляемый, но во двою́ естеству́  
неслѣ́тно познава́емый. Того́ моли́, Чи́стая  
Всеблаже́нная, поми́ловатися душа́мъ на́шимъ.

**Вхо́дъ: Свѣ́те тихій... Прокі́мень дне́ и чтѣ́нія  
3 преподо́бный же́нѣ.**

**Премудро́сти Соломо́ни чтѣ́ніе. [Глава́ 3.]**

Праведныхъ ду́ши въ руцѣ́ Бо́жіей, и не  
прикосне́тся ихъ му́ка. Непщевани бы́ша во  
очесѣ́хъ безу́мныхъ умре́ти, и вмѣ́нися озлобле́ніе  
исхо́дъ ихъ, и е́же отъ на́съ шествіе́ —  
сокруше́ніе, они́ же су́ть въ ми́рѣ. Ибо предъ́  
лице́мъ челове́ческимъ, а́ще и му́ку при́мутъ,  
упова́ніе ихъ безсме́ртія испо́лнено. И вма́лѣ  
нака́зани бы́вшие, великими благоде́тельствующи  
бу́дутъ, я́ко Бо́гъ искуси́ я и обрѣ́те ихъ досто́йны



Себѣ. Яко злато въ горниль, искуси ихъ и, яко всеплодіе жертвенное, пріять я. И во время посѣщенія ихъ, возсіяють, и яко искры по стѣблю, потекутъ. Судятъ языкомъ и обладаютъ людьми, и воцарится Господь въ нихъ во вѣки. Надѣющіися Нань разумѣють истину и вѣрніи въ любви пребудутъ Ему, яко благодать и милость въ преподобныхъ Его и посѣщеніе во избранныхъ Его.

### **Премудрости Соломѣни чтеніе. [Глава 5 и 6.]**

Праведницы во вѣки живутъ, и въ Господѣ мзда ихъ, и попеченіе ихъ у Вышняго. Сего ради пріимутъ царствіе благолѣпія и вѣнецъ доброты отъ руки Господни, зане десницею покрыетъ я и мышцею защититъ ихъ. Пріиметъ всеоружіе — рвеніе свое и вооружитъ тварь въ мѣсть врагомъ. Облечется въ броня правды и возложитъ шлемъ — судъ нелицемѣренъ. Пріиметъ щитъ непобѣдимый — преподобіе, поостритъ же напрасный гнѣвъ — во оружіе, споборетъ же съ нимъ міръ на безумныя. Пойдутъ праволучныя стрѣлы молніины и, яко отъ благокругла лука облаковъ, на намѣреніе полетятъ, и отъ каменомѣтныя ярости исполнь падутъ грады. Вознегодуетъ на нихъ вода морская, рѣки же потопятъ я нагло. Сопротивъ станетъ имъ духъ силы и, яко вихоръ, развѣетъ ихъ, и опустошитъ всю зѣмлю беззаконіе, и

злодѣйство превратитъ престолы сильныхъ. Слышите убо, царіе, и разумѣйте, навѣкните, судіи концевъ земли. Внушите держащии множества и гордящися о народѣхъ языковъ, яко дана естъ отъ Господа держава вамъ и сила отъ Вышняго.

### **Премудрости Соломѣни чтеніе. [Глава 4.]**

**П**раведникъ, аще постигнетъ скончатися, въ покой будетъ. Старость бо честна не многолѣтна, ниже въ числѣ лѣтъ исчитается. Съди́на же е́сть му́дрость челове́комъ, и во́зраст ста́рости — житі́е нескве́рное. Благоуго́денъ Бо́гови бы́въ, возлю́бленъ бы́сть, и живы́й посредѣ́ грѣ́шникъ, предста́вленъ бы́сть. Восхи́щенъ бы́сть, да не зло́ба измѣ́нитъ ра́зума его́ или лѣ́сть прельсти́тъ ду́шу его́. Раче́ніе бо зло́бы помрача́етъ до́брая и паре́ніе по́хоти, премѣ́няетъ у́мъ незло́бивъ. Сконча́вся вма́лѣ, испо́лни лѣ́та до́лга, уго́дна бо бѣ́ Господеви ду́ша его́, сего́ ра́ди потща́ся отъ сре́ды лука́вствія. Лю́діе же ви́дѣвше и не разумѣ́вше, ниже́ положи́ше въ помышле́ніи таковое́, яко́ благода́ть и ми́лость въ преподо́бныхъ Его́ и посѣ́щеніе во избра́нныхъ Его́.

### **На литіи стихіры, гла́съ 1. Самогла́сны:**

**П**ри градѣ Моливотѣ островъ особый  
обрѣтши,\* яко горлица тамо вогнѣзди́лася

еси,\* вся сѣти мірскія прелетѣвши.\* Острое житіе подъяла еси\* постническихъ лишений, бдѣній и долулежаній,\* николиже отъ Христа отступльши молитвою.\* Тѣмже, яко къ Богу имущая дерзновение,\* моли о насъ, мати наша,\* Филоѳее многомилостивая.

### **Слава, гласъ 2:**

**С**трахованій, привидѣній и тмориčnýchъ козней діавола посрамила еси доблемужнѣ, Филоѳее преславная, бдѣнными стояньми; слезными же дождями сѣмена покаянія твоего напаяючи, село многоплодное была еси, красная; тѣмже и въ садъ красоты неувядающія вселилася еси, молящися непрестанно о душахъ нашихъ.

### **И нынѣ, богородиченъ:**

**О**, чудесѣ новаго, всѣхъ дрѣвнихъ чудесъ! Кто бо позна Матерь, безъ мужа рождшую и на руку носящую всю тварь Содержащаго? Божіе естъ изволеніе Рождшееся. Егѳже яко Младенца, Пречистая, Твоима рукама носившая, и матернее дерзновение къ Немѣ имущая, не престаи молящи о чтущихъ Тя, ущедрити и спасти души наша.

### **На стиховнѣ стихиры, гласъ 5:**

**Н**ебомудріемъ возпарившую въ нетлѣнную твѣрдь,\* небесную птицу небесныя сілы\* днесь

премудро восхваляютъ.\* Мы же, дебельствомъ  
словесъ земныхъ\* неудобъ сію  
прославляюще,\* прегрѣшеній оставленіе  
молитвами ея\* воистину пріяти чаемъ.

**Стихъ:** Дивенъ Богъ во святыхъ  
Своихъ,\* Богъ Израилевъ.

Нестерпѣвши идолочецъ смрадныхъ  
жертвъ,\* мечемъ словесъ богодохновенныхъ\* узы  
блуженій ихъ растерзала еси, мудрая дѣво,\* тѣмъ  
и души моея блуженій оковы разори,\* и свѣтомъ  
добронравія тму мою,\* Филоѳее честная,  
спасительнѣ озари.

**Стихъ:** Честна предъ Господемъ\* смерть  
преподобныхъ Его.

Живородными слезами,\* похоти смерточныя  
умертвила еси,\* постническими страстьми  
страстей жало исторгла еси,\* дѣво отроковице  
Филоѳее,\* крестъ вземши любовію,\* и  
Божественному животу обрѣтши входъ,\* моли о  
насъ Троицу Пребожественную,\* спастися  
душамъ чтущимъ святую память твою.

### **Слава, гласъ 5:**

Истинное на небесі житіе паче  
привременнаго,\* отъ мягкихъ ногтей  
предызбравши, боголюбице,\* цвѣтъ дѣвства отъ  
інея сластей\* неврѣдно сохранила еси,\* и яко

непороченъ кринъ,\* въ наутріи не вечерняго дне  
возсіяла еси,\* росю Духа свѣтящися чудно.

### **И нынѣ, богородиченъ:**

**Х**рамъ и Дверь еси, Палата и Престолъ  
Царевъ, Дѣво всечестная, Еюже Избавитель мой,  
Христосъ Господь, во тмѣ спящимъ явися,  
Солнце сый правды, просвѣтити хотя, яже созда  
по образу Своему рукою Своею. Тѣмже,  
Всепѣтая, яко Матерне дерзновеніе къ Нему  
стяжавшая, непрестанно моли, спастися  
душамъ нашимъ.

**На благословеніи хлѣбовъ: Тропарь  
преподобныхъ: Отъ матернихъ пеленъ Бога  
возлюбивши.., дважды. Таже: Богородице  
Дѣво.., единожды.**

### **НА УТРЕНИ,**

**На Богъ Господь: Тропарь преподобныхъ,  
гласъ 4:**

**О**тъ матернихъ пеленъ Бога возлюбивши,\* въ  
Божественныхъ Писаніихъ прісно  
поучавшися,\* постомъ, слезами, моленьми и  
воздыханіи непрестанными,\* храмъ Божій  
явилася еси, Филоѳее достохвальная,\* тѣмже и  
память твою любовію  
празднующимъ,\* освященія и цѣльбы нескудно



да́руючи,\* сохра́няй гра́дь тво́й\* и вся́ лю́ди,  
вѣ́рно чту́щія́ тя,\* отъ всѣ́кихъ бѣ́дъ и  
напа́стей. **[Два́жды.]**

### **Сла́ва, и ны́нѣ, богоро́диченъ:**

**Е**же отъ вѣ́ка утае́нное, и а́нгеломъ несвѣ́домое  
та́инство: Тобо́ю, Богоро́дице, су́щимъ на земли́  
явѣ́ся, Бо́гъ въ неслѣ́тномъ соедине́нии  
воплоща́емъ, и крѣ́сть во́лею на́съ ра́ди  
воспри́имъ, ѿмже́ воскреси́въ перво́зданнаго,  
спасе́ отъ сме́рти ду́ши на́ша.

### **По 1-мъ стихосло́виі сѣ́даленъ, гла́съ 8.**

#### **Подобѣ́нь: Свирѣ́лей па́стырскихъ.**

**С**вирѣ́ль сладкослы́шанная уста́ твоя́ бы́сть:  
отры́гнувши бо сло́во словес́нымъ овца́мъ,  
наказа́нія Божѣ́ственного ме́домъ серде́ць  
сла́ность услади́ла еси́, краснослове́сная го́рлице,  
и го́рькихъ заблужде́ній слія́нія волна́ми  
благода́тныхъ уче́ній пото́пила еси́. **[Два́жды.]**

### **Сла́ва, и ны́нѣ, богоро́диченъ:**

**Б**огоречи́виі проро́цы проповѣ́даху та́инства  
Твоего́́ глуби́ну, Дѣ́во Богора́дованная,  
богоно́сная же отрокови́ца Фило́ея та́йными  
сія́ніи добродѣ́тельнаго житі́я согла́голаше ѿмъ,  
свѣ́толи́тіемъ моли́твъ и благоуха́ніемъ до́брыхъ  
дѣ́лъ.

## По 2-мъ стихословіи съдаленъ, гласъ 3.

### Подобень: Красотѣ дѣвства.

**К**расотѣ дѣвства твоего неблазненно сохраниши, дѣвице преславная, пресладостное пѣніе день и нощь Богу возносила еси, невѣрныхъ бо сладострастію пособствующую тмѣ боголюбнѣ осіяла еси, неразлучно Троицы свѣтлостемъ срастворяющися, молениями, бдѣніи и славословіи Божественными. **[Дважды.]**

### Слава, и нынѣ, богородиченъ:

**К**расотѣ дѣвства Твоего, и пресвѣтлой чистотѣ Твоей, Гавріиль удивився, вопіяше Ти, Богородице: кую Ти похвалу принесу достойную? Что же возименую Тя? Недоумѣваю и ужасаюся. Тѣмже яко повелѣнъ быхъ, вопію Ти: радуйся, Благодатная.

### [Величаніе:

**У**блажаемъ тя, преподобная мати Филоѳее, и чтѣмъ святую паметъ твою, ты бо молиши за насъ Христа Бога нашего.

**Псаломъ избранный:** Терпя потерпѣхъ Господа, и внятъ ми и услыша молитву мою...]

## По поліелѣи съдаленъ, гласъ 4. Подобень:

### Скоро предвари.

**С**коро потщися, чистая дѣво Филоѳее, въ помощь отъ нечистыхъ духовъ стужаемымъ, яко

погиба́емъ во мно́жествѣ грѣхо́въ, не иму́ще крѣ́пости противобо́рствовати тѣмъ. Смирѣ́нныя лю́ди не отве́ржи, съ пла́чемъ ти зову́щихъ: заступи́ насъ, преблагая́ ма́ти, а́ще и недостойны́ есмы́ заступле́нія твоего́. **[Два́жды.]**

### **Сла́ва, и ны́нѣ, богоро́диченъ:**

**Тебе́,** незлобивую помо́щницу смире́ннымъ, Богоро́дице Дѣ́во, мо́лимъ, озло́бленіи, Тебе́, Нескве́рная Ма́ти Еди́наго отъ Тро́ицы, скве́рніи умоля́емъ: просвѣ́ти ду́ши на́ша омраче́нныя лука́вствомъ и нечисто́ю, уще́дри ны́, я́ко да кра́йнимъ Сы́на Твоего́ снисхожде́ніемъ вѣ́чныхъ му́къ свободи́мся, Тя сла́вяще во вся́ вѣ́ки.

**Степе́нна, 1-й антифо́нъ 4-го гласа. Прокі́менъ, гласъ 4: Ді́венъ Бо́гъ во святы́хъ Свои́хъ,\* Бо́гъ Изра́илевъ. Сти́хъ: Въ це́рквахъ благослови́те Бо́га, Го́спода отъ исто́чникъ Изра́илевыхъ. Та́же: Вся́кое дыха́ніе да хва́литъ Го́спода. Сти́хъ: Хва́лите Бо́га во святы́хъ Его́... Ева́нгеліе Матѳе́я, зача́ло 104: Рече́ Го́сподъ притчу́ сію: уподо́бися Ца́рствіе небе́сное де́сятимъ дѣ́вамъ... И по 50-мъ псалмѣ́: Сла́ва, Моли́твами преподо́бныхъ, Ми́лостиве, очисти́ мно́жества согре́шеній на́шихъ. И ны́нѣ, Моли́твами Богоро́дицы, Ми́лостиве, очисти́ мно́жества согре́шеній на́шихъ. И по се́мъ: Помилуй́ мя, Бо́же...**

## И стихи́ра преподо́бныя, гла́съ 6:

**П**одо́вигомъ до́брымъ подвиза́вшись, и  
лѣ́ствицею до́бродѣ́телей восхожде́ніе  
Божѣ́ственное соверши́вши, въ черто́гъ  
не́тлѣ́нныя жи́зни вошла́ еси́ съ му́дрыми  
дѣ́вами, и Ца́рство вѣ́чное получи́ла еси́, Филоѣ́е  
пресла́вная, отону́дуже и вѣ́рою къ тебѣ́  
притека́ющимъ кла́дязь незави́стный исцѣ́леній  
яви́лася еси́, ра́дование и покрóвъ земли  
Бо́лгарскія, и вся́кой души́ христі́анстѣ́й въ  
напа́стѣхъ засту́пница. Тѣ́мже, войсти́нну  
боголю́бія ра́ди Бо́гомъ просла́вленная, грѣ́ховъ  
оста́вленію чту́щимъ тя вѣ́рою, у Христа́ Бо́га  
на́шего проси́ дарова́тися.

**Кано́нъ [Богоро́дицѣ со ирмосомъ на 6  
и] преподо́бнѣ́й Филоѣ́и [на 8], гла́съ 5,  
его́же краегране́сіе: Ра́дуйся, боголю́бивая  
дѣ́во, Филоѣ́е сла́вная.**

### **Пѣ́снь 1.**

**Ирмо́съ:** *Ко́ня и вса́дника въ мо́ре Чермное́  
сокруша́й брани́, мы́щию вы́сокою, Христо́съ  
истрясе́, Изра́иля же спасе́, побѣ́дную пѣ́снь  
пою́ща.*

**Р**о́ждіе че́стное лозы́ святы́я, Іо́анна и Ири́ны  
прозябе́ніе благосла́вное, Филоѣ́е, отъ пеле́нь  
Бо́га возлю́бившая, тѣ́мъ и сердца́ роди́телей  
твои́хъ возвесели́вшая. Сердца́ на́ша, мо́лимся

ти́, моли́твами тво́ими предочи́сти, да свѣ́тло  
воспо́емъ па́мьять твою́ свѣ́тоно́сную.

**А**нгеломъ отъ младенчества поревнова́вши,  
по́стнически равноа́нгельное житі́е твоё начала́  
еси́, не хотя́щи ма́терняго млека́ вкуше́нія  
отню́дъ: благода́тію бо Божѣ́ственною, а́ки  
млеко́мъ небѣ́снымъ, воспита́лася еси́, боголю́біе  
войсти́ну явля́я ангелонра́вное.

**Д**ѣви́ческую чистоту́ издѣ́тска возлю́бивши,  
плотска́го житѣ́льства возненави́дѣла еси́,  
Филоо́е дѣ́во, и я́ко и́мене своего́ войсти́ну  
достойна́, боголю́біемъ супру́жника твоего́  
Константи́на въ а́нгельское привела́ еси́ житі́е,  
нетла́ніемъ весе́лящи дѣ́вственныя чѣ́ны  
а́нгельскія.

**У**друче́ніемъ плоти́ положи́ла еси́ нача́ло  
подвиго́въ твои́хъ, бдѣ́нными же стоя́нми,  
ко́лнопрекло́неніи, воздыха́нми и слѣ́зными  
стру́ями фарао́на мы́сленнаго удави́вши, сре́ду  
боголюбе́знаго житі́я дости́гла еси́, е́гоже, я́ко  
а́нгель во плоти́, пречу́дная, сконча́ла еси́,  
мно́гими чудотворе́ніи и богозаре́нными,  
прему́драя, наставле́ни.

**Богороди́чень:** Исправле́ние да́руй рабо́мъ  
Твои́мъ, Пречи́стая Дѣ́во, неисче́тныя не́мощи  
человѣ́ческія до́брѣ вѣ́души, и моли́твою твоёю



недуги наша неисцѣльныя, яко Благая, изврачуѣ.

### Пѣснь 3.

**Ирмосъ:** Водрузи́вый на ничесо́мже зе́млю повелѣ́нїемъ Твои́мъ, и повѣ́сивши неодо́ержимо́ тяготе́ющую, на недви́жимѣмъ, Христе́, ка́мени за́повѣдей Твои́хъ, Це́рковь Твою́ утверди́, Еди́не Бла́же и Челове́колю́бче.

**С**ла́сти неприча́стна яви́лася еси́, добродѣ́во Фило́еѣ, боголюбе́зную добро́ту души́ отъ истлѣ́нїя грѣ́ховнаго му́дрѣ соблюда́ючи, тѣмже и́стинную сла́дость въ небе́снѣмъ Ца́рствїи обрѣ́тши, непреста́нно моли́ся изба́виться го́рькихъ му́къ сласте́мъ поработи́вшимся.

**Я**коже се́рна отъ лова́щихъ сѣте́й изба́вльшися, островнымъ отше́ствиємъ преле́сти ловле́нїй избѣ́гла еси́, прему́драя Фило́еѣ, и та́мо а́нгельски пожи́вши, не лиши́лася еси́ лу́гъ небе́снаго Ца́рствїа тучны́я травы́, вѣчны́я у Христа́ Безсме́ртнаго жи́зни.

**Б**ла́то смра́дное страсте́й слеза́ми исся́че вся́чески твои́ми, и са́дъ прекра́сенъ добродѣ́телей душа́ твоя́ яви́ся, благопо́бѣдная боголю́бице, иди́же пти́цы небе́сныя гнѣ́зда своя́ сотво́рше, хвале́ньми Божество́нными ду́шу ти́ на вся́къ ча́съ весе́ляху.

**Богородичень:** Обновленіе житія подаждь намъ, Препоблагословенная Богородице, яко на всякъ часъ согрѣшаемъ и лукавыхъ помышленій никакоже отступаемъ. Избави ны, Многомилостивая, отъ порабощенія страстемъ, да чистымъ сердцемъ восхвалимъ Матернее Твое милосердіе.

### **Съдалень, гласъ 5:**

**И**сточникъ слезъ, сокровище молитвъ непрестанныхъ, езеро воздыханій глубокое и бдѣній столпъ житіемъ была еси достодѣвнымъ, Филоѳее, несравненно Бога возлюбивши. Тѣмже и почтена бывши отъ Него, явилася еси источникъ исцѣленій, сокровище умиленія, езеро духовныхъ утѣшеній и вѣры истинныя столпъ.

### **Слава:**

**З**лато очищенное — души твоея къ Богу любви, и мѣро сладкоуханное — имене твоего призываніе, заступнице земли Болгарскія, явистася, Филоѳее мати, тѣмже радуйся, добродѣво, всѣмъ призывающимъ тя скорая помощь.

### **И нынѣ, богородичень, гласъ тойже:**

**Р**адости, Обрадованная, сподобившись, Филоѳея вопіеть Ти, Сѣнцу отъ Тебѣ возсіявшему предстоящи: радуйся, Живота

Ма́ти; ра́дуйся, Приснодо́во, ра́досте всѣмъ  
чи́стымъ се́рдцемъ.

### Пѣснь 4.

**Ирмо́съ:** *Божество́нное Твое́ разумѣ́въ  
исто́щаніе прозорли́во, Авваку́мъ, Христе́, со  
тре́петомъ вопія́ше Тебѣ́: во спасе́ніе люде́й  
Твои́хъ, спасти́ пома́занныя Твоя́ прише́ль еси́.*

**Г**о́рнимъ умо́мъ ни́жнихъ похотѣ́ній попра́ла  
еси́, досто́чудная, Наго́рныя про́повѣди  
блаже́нствъ вся́чески и́щущи и пои́стинѣ́  
полу́чаючи, я́ко вѣ́рна. Помози́ и на́мъ,  
невѣ́рнымъ, возлю́бити Христа́ Бо́га на́шего и въ  
се́й ча́съ житі́я боголю́биваго нача́ло тве́рдое  
поста́вити.

**О**стры́мъ житіе́мъ твои́мъ вся́ стрѣ́л[ы]  
лука́ваго притупи́ла еси́, сокруши́[вши] вѣ́ю  
льстиво́мудреннаго вели́ара, и обостри́вши сугу́бо  
у́мъ свой бдѣ́нно, мра́комъ Божество́ннаго  
вѣ́дѣнія, свѣ́тъ мі́ру яви́лася еси́.

**Л**ади́єю смире́ннаго житі́я, трево́лне́нія  
душегубныхъ страсте́й преплы́вши небо́течнѣ́,  
приста́нище дости́гла еси́ многоти́хое нетлѣ́нія,  
добродѣ́во благосе́рдая, отону́дуже ти́хими  
заря́ми пу́ть спасе́нія вѣ́рнымъ показу́еши.

**Ю**но́сть твою́ всера́чительнѣ́ Бо́гу твоему́  
освяти́ла еси́, ту́чныя па́жити грѣ́ха оста́вивши,  
и по́стнически Ѡаво́рскія свѣ́тлости возлю́бивши,

пусты́нная го́рлице, отону́дуже и отъ ка́менія воздержанія ме́дъ и млеко́ добродѣтелей ссала еси́.

**Богородичень:** Безкрѣпостнымъ крѣпосте, немудрымъ мудросте, Дѣво Всепѣтая, не остави насъ сирыхъ: изнемогаемъ отъ множества грѣховъ, и въ отчаяніи нашемъ къ Тебѣ единый вопіемъ: потщися заступити люди смиренныя, очи гордыхъ демоновъ до ада смиряючи.

### Пѣснь 5.

**Ирмосъ:** *Одѣйся свѣтомъ, яко ризою, къ Тебѣ утренюю и Тебѣ зову: душу мою просвѣти омраченную, Христѣ, яко Единъ Благоутробень.*

**И**здрученіемъ немо́щныя плоти́, дѣво [1], всю́мнѣмую мо́щь вра́жію въ пѣ́рсть попра́ла еси́ Фи́лоѳе́е, мно́гомощную въ не́мощехъ Боже́ственную по́мощь премудрѣ́ взыска́вши.

**В**оскресѣ́вшему Ла́заря твѣ́рдо вѣ́ровавши, не отступи́ла еси́ отъ Не́го, до́ндеже слеза́ми возста́вленіе соверше́нное о́браза пречу́днаго То́го прі́яла еси́.

**А**гни́цу Христо́ву Фи́лоѳе́ю ны́нѣ вся́ землѧ́ Бо́лгарская́ да поѣ́тъ любопра́здненствен́но, ублажа́ющи труды́ ея́: утѣ́шеній бо пото́ками напая́етъ ду́ши любя́щихъ ю́.

**Я**коже красны́й лу́гъ, цвѣ́ты чудноуха́нными  
преиспещре́нь, па́мять твоя́ вои́стину  
благоуха́нна, Фи́лоөөе, воня́ми бо добродѣ́телей  
твои́хъ вся Цѣ́рковь ны́нѣ исполняется.

**Богоро́диченъ:** **Д**ави́дскую вѣ́твь,  
проро́ческое исполне́ние, ве́сну благоза́рную  
зиму́ющимъ во грѣ́сѣхъ, Дѣ́ву Пречи́стую  
почти́мъ: неоскудѣ́имъ, вѣ́рнии, пѣ́снями и  
хвалѣ́нями, Всепо́тую присно пою́ще.

### **Пѣ́снь 6.**

**Ирмо́съ:** **Н**еи́стовствующе́ся бу́рею  
душетлѣ́нною, Влады́ко Хри́сте, страсте́й мо́ре  
укроти́ и отъ тли́ возведи́ мя, яко  
Благоутро́бенъ.

**Е**воѣ́миевыми словесы́ че́стно восхва́ленная,  
Фи́лоөөе пресла́вная, и на́ша убо́гая хвалѣ́нія не  
отри́ни ны́нѣ: ле́нь бо ку́рящійся на́ша словеса́,  
ты же пла́мень боголю́бія въ сердца́ на́ша  
возжжи́.

**В**озра́довася Те́рновъ гра́дъ, чудоно́сную  
рѣ́ку — мо́щи твоя́ приобрѣ́тъ, и съ патри́архомъ  
вкупѣ́ всякъ во́зраст и сосло́віе вопія́ху тебѣ́:  
ра́дуйся, возвесели́вшая всю́ зе́млю Бо́лгарскую.

**О**крестъ́ святы́хъ мо́щей твои́хъ со свѣ́щами,  
кади́льницы и благоуха́нми все́му церко́вному  
при́чту собра́вшемуся, патри́архъ Те́рновскій  
взыва́ше ти́, дѣ́во преподо́бна: и́скренняя рабо́



Христо́ва, пти́це пусты́нная, ка́ко сѣ́мо  
прелетѣ́ла еси́?

**Богоро́диченъ:** **Ф**іа́лъ благово́ній Ду́ха  
свѣ́тлопозлаще́нъ, освяти́вший мі́ръ вѣсь, Дѣ́во  
Богома́ти, яви́лася еси́, въ ро́дѣхъ ро́довъ  
Благослове́нная Пречи́стая, излива́ющій  
освяще́ній студи́но зача́тымъ, свѣ́тлѣ́тися  
творя́щи но́вую тва́рь.

### **Конда́къ преподо́бнѣй, гла́съ 5:**

**Н**аста́ днѣсь пра́здникъ лучеза́рный дѣ́вы  
боголюбе́зныя,\* въ о́ньже вся́ Це́рковь Христо́ва  
свѣ́тло лику́еть,\* небеса́ ра́дуются,\* сла́вный  
гра́дъ Те́рновъ святы́хъ свѣ́тлостей  
исполня́ется,\* и зе́мля Бо́лгарская,\* свѣ́тлая  
чудеса́ Фи́лоѳеи воспомина́ющи,\* духо́вно  
торжествуетъ.

### **Икосъ:**

**О**гненосно́ю моли́твою врага́ попали́ла еси́  
огненны́я искуше́нія, огненны́я язы́цы  
апосто́ломъ дре́вле Низпосла́вшему, пѣ́сни де́нь  
и но́щь, а́ки сла́вѣи, возсыла́ющи. Тѣ́мже ны́нѣ  
отъ всѣ́хъ слы́шиши пѣ́снь сицеву́ю: ра́дуйся,  
сла́досте вѣ́рныхъ; ра́дуйся, а́нгельски на земли́  
пожи́вшая; ра́дуйся, стори́чное весе́ліе на небеси́  
обръ́тшая, о на́шихъ согре́шеніи́ проще́ніи  
Христу́ моля́щаяся.

## Пѣснь 7.

**Ирмосъ:** Превозносимый отцевъ Господь, пламень угаси, отроки ороси, согласно поющія: Боже, благословенъ еси.

Именосно Бога возлюбившія Филоѳеи свѣтоносная пѣмь днесь настѣ. Ликъ составльше, поемъ святое ея успѣніе и чудное Богомъ чудносное прославленіе.

Ликовнѣ пѣмь твою нынѣ, достодѣвная, празднуетъ Болгарская земля и Ромѣнская: первую бо в малѣ мощей твоихъ чудесъ струями напоивши, свѣтодарнымъ же облагодѣтствовавше вторую приснымъ спребываніемъ, обою еси, Филоѳее, чудодѣльное заступленіе предъ Богомъ.

Око не видѣ и ухо человѣческое николиже слыша, имже достойно обогатилася еси на небеси, Филоѳее дѣво, сокровища доброты: во славѣ бо лику праведныхъ сопричтавшись, ликъ Спаса Христа явственнѣ созерцаеши.

**Богородиченъ:** Ѳиміамникъ Духа, кадильница златая, жезлъ, прозябшій цвѣтъ нетлѣнія нетлѣнно, Тя пророческихъ словесъ величаемъ славное сбытіе, Богородице Всепѣтая, и въ молитвахъ неусыпающую рода человѣческаго Заступницу.

## ПѢснь 8.

**Ирмосъ:** Тебѣ, Вседѣтелю, въ нещѣи ѡтроцы, всемірный ликъ сплѣтше, пояху: дѣла всякая, Господа пойте и превозносите во вся вѣки.

**Е**стествомъ немощна сущи, естества порабощеніе страстное сілою Христовою разорила еси, богогласная горлице, и власть безстрастіемъ на дѹхи нечїстыя отъ Христа прїяла еси.

**Е**гда внѹтърь Тѣрновскихъ стѣнъ вошла еси, вся земля Болгарская устнами патріаршескими взываше тебѣ: благо намъ, имѹщимъ таковѹю покровительницу, чїсто молитвы о насъ Богу приносящую, да житіе наше во благочестїи скончавше, сподобимся Царствїя небеснаго.

**С**трупы грѣховныя, раны многолѣтныя, вся язи, болѣзни и недѹги, тѣлесныя и душевныя, мати наша преподобная Филоѳее, нынѣ славящихъ тя исцѣли, яко да во свѣтъ заступленїя твоего свѣтъ узримъ Царствїя небеснаго.

**Богородиченъ:** Лучедатное скорое заступленіе даруй, Дѣво, въ бѣздну грѣховъ углѣбшимъ, и къ Тебѣ взоры помощи чающе простѣршимъ, льщенїя и соблазны скоро упраздни лукаваго, прѣзднующїя Филоѳеи память веселящи.

## Пѣснь 9.

**Ирмосъ:** Исаіе, ликуй, Дѣва имѣ во чревѣ и роди Сына Еммануила, Бога же и Человѣка, Восто́къ і́мя Ему́, Его́же велича́юще, Дѣву ублажа́емъ.

**А**ммо предивная наша, Филоѳее, монашествующихъ славо, отъ непріязни вѣрныхъ огражде́ніе, а́нгеломъ говѣ́йное радованіе и мірскимъ концѣмъ торжество, не оскудѣвай молящихся о воспѣвающихъ радость твою.

**В**ѣсненнымъ птицамъ подобящися, на вѣтвѣ боголю́бныя жи́зни до конца́ пребыла еси́, преподо́бная Филоѳее, среди́ цвѣто́въ Божѣ́ственныхъ Писа́ній Бо́гови пою́щи и вѣрныхъ сердца́ веселя́щи.

**Н**ебе́сный кла́сь златый, богоороше́нный зна́меньями и чудодѣ́йствіи, правосла́внымъ яви́тя Зижди́тель міру, Его́же неувя́дными благоде́яній зерна́ми вся́ земля́ Болга́рская насыща́ется.

**А**нгельское житіе́ отны́нѣ возлю́бимъ, вѣрніи, ангелонра́вныя отрокови́цы насладив́шеся сія́ньми, ея́же вы́ну о́бразъ боголю́бія иму́ще, дости́гнемъ вѣ́чныхъ ра́достей исто́чникъ неисчерпа́емый, Христа́.

**Богородичень:** Язы́комъ землерётнымъ не  
мо́жно восхва́лити Тя́ досто́йно, Приснодѣ́во  
Богоро́дице, всесвѣ́тлый хра́ме Божества́,  
сія́ніемъ Свои́мъ вселѣ́нную всю́ озари́вший и  
ро́дъ челоуѣ́ческий рождество́мъ па́че  
естѣ́ственнымъ обожив́ший.

**Свѣтиленъ. Подобенъ:** Жены́, услы́шите.

**Ж**ены́, услы́шите чу́дная Цѣ́ркве вѣ́щанія,  
отрокови́цы, взыгра́йте премно́гимъ весѣ́ліемъ:  
ра́дуется днѣ́сь жена́мъ украше́ние и дѣ́вамъ  
удобре́ние, земли́ на́шей заступле́ние, Филоо́ея  
предивная. **[Два́жды.]**

**Сла́ва, и ны́нѣ:**

**С**вѣ́тода́вцевъ хра́ме, ра́дуйся,  
свѣ́товоди́тельнице дѣ́вамъ, мона́шествующи́мъ  
звѣ́здо, ра́дуйся, Ма́ти свѣ́тонача́льнаго Сло́ва.

**На хвали́техъ стихи́ры на 4, гла́съ 1.**

**Подобенъ:** О, дѣ́вное чу́до!

**О**, дѣ́вное чу́до,\* исто́чникъ исцѣ́леній\* во  
гробѣ́ полагает́ся,\* и мо́щи нетлѣ́нныя чудеса́  
испуща́ютъ!\* Весели́ся, гра́де Те́рновъ,\* Филоо́еи  
бо дре́вле приста́нище бы́лъ еси́.\* Возопі́емъ,  
вѣ́рнии,\* преподо́бныя иму́ще  
предста́тельство:\* боголю́бивая, ра́дуйся,\* съ  
тобо́ю Госпо́дь,\* пода́й лю́бящимъ тя́, тобо́ю  
ве́лію ми́лость. **[Два́жды.]**



**О**, дѣвное чѹдо,\* свѣтильникъ обрѣте  
 тя\* дрѣвле престольный градъ,\* просвѣщій вся  
 востокъ православныхъ!\* Веселися, землѣ  
 Болгарская,\* явившуся тебѣ новому  
 солнцу,\* торжествуйте,  
 боголюбнии,\* боголюбѣзныи Филоѹеи  
 срадуимся:\* достославная, радуйся,\* съ тобою  
 Господь,\* подай мірови тобою велию милость.

**О**, дѣвное чѹдо,\* Божественныя вѣры\* явилася  
 еси побѣрница,\* заткнувши уста  
 велеречивыя!\* Веселися, Церковь  
 Божія,\* благодѣтными красующися  
 звѣздами,\* преподѣбническими  
 сіяньми,\* Филоѹеи изряднѣйшими  
 свѣтлостьми:\* богоречивая, радуйся,\* съ тобою  
 Господь,\* подай чтущимъ тя тобою велию  
 милость.

### **Слава, гласъ 8:**

**Б**раконеискѹсную Богородицу\* подражающе  
 многорачительнѣ,\* жениха твоего отъ сластей  
 законныхъ отвратила еси,\* и житіе повѣдавши  
 ему Аммуна достославнаго,\* къ житію  
 благодѣтному того наставляла еси,\* и съ  
 Константиномъ симъ твѣрдымъ\* непорочнѣ,  
 якоже два ангела, пребывали естѣ.\* Сего ради и  
 нынѣ молящихся тебѣ\* отъ соблазновъ вражїихъ  
 прїсно сохраняеши.

## **И нынѣ, богородиченъ:**

**В**ладычице, пріими моли́твы раба́ Твои́хъ и  
изба́ви на́съ отъ всякія ну́жды и печа́ли.

**[Славословіе великое. Ектеніи. И отпу́сть.]**

## **НА ЛИТУРГІИ,**

**Блаже́нна отъ канона преподо́бныхъ, пѣснь  
3-я и 6-я. Прокі́менъ, гла́съ 4: Ді́вєнь Бо́гъ во  
святы́хъ Свои́хъ,\* Бо́гъ Израі́левъ. Сти́хъ: Въ  
це́рквахъ благослови́те Бо́га, Го́спода отъ  
исто́чникъ Израі́левыхъ. Апосто́ль къ  
Гала́томъ, зача́ло 208. Аллилу́ія, гла́съ 1:  
Терпя́ потерпѣ́хъ Го́спода, и вня́тъ ми́ и услы́ша  
моли́тву мою́. [Сти́хъ: Поста́ви на ка́мени но́зѣ  
мой и испра́ви стопы́ моя́]. Ева́нгеліе Матѳе́я,  
зача́ло 104. Прича́стенъ: Въ па́мь вѣ́чную  
[бу́детъ пра́ведникъ, отъ слуха́ зла́ не убой́тся].**

**Быва́етъ же на трапѣ́зѣ утѣ́шеніе бра́ти,  
дово́льно же и духо́вно.**

**Коне́цъ и Бо́гу сла́ва.**

### **Примѣ́чаніе:**

**[1]** Въ текстѣ: «Дѣ́во Богороди́це...».

**Исто́чникъ: Служби́ на бѣлгарските  
светии́. — Света Гора, Атон: Славянобѣлгарски  
манасти́р «Св. Вмчк Георги Зографъ», 2007. —  
Л. 658-674.**